

書經插解

八止

和書門	一六七〇二			
類	函	架	冊	八

內閣文庫	和書	一六七〇二	九函
類	冊	架	六

內閣文庫	
番號	和 16702
冊數	8 (8)
函號	191 60





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





書經插解卷八

淺草文庫

讚岐 河田興猶興 述

君陳

史臣記。成王策命君陳。呼其名而告之。若此曰君陳

惟爾有合善之德。事親以孝。事長以恭。能盡卑幼之

道。惟能孝於親。友于兄弟。有此令德。以脩身教家。必

君愛民。施諸有政。使教化大行。風俗淳美。則東

之任。舍汝其誰。故今命爾尹治茲東郊。下都之民。

爾當敬謹從事哉。昔周公治下都有師之尊。有保之

書經插解 卷八 君陳 一 成章官序

親以教戒愛養萬民。是以萬民都懷想思慕其德。至於今日。久而不忘。爾其往當慎守乃所司之職事。小心敬畏。茲率循厥前日所行之常法。懋勉尊奉。以益昭明。周公之舊訓。則惟下都之民。其翕然聽順。以乂治矣。我聞周公曰。凡至治隆盛。自然和氣薰蒸。馨香發越。將感格于神明。而無間。然祭祀黍稷。非有此馨香。乃是人有明德。蘊於身心。而至精至粹。施諸政事。而盡善盡美。然後惟馨香發聞。可以感格神明耳。爾

用是

道

尚式時。周公之猷訓。惟終日孜孜。身體力行。無有敢一毫逸豫怠惰。庶幾己德可明。至治可期。雖神明且感格。況殷民有不從化者哉。凡人之情。未曾見聖人時。其心切切嚮慕。若不克見者。此乃好德之良心也。然既親見聖人。亦卻志氣悒悒。安於舊習。不克遵由聖人之所行。蓋常人之情。大抵如此。爾君陳嘗與周公同朝。已親見聖人矣。今又繼其職。則其尚以此為戒哉。蓋爾君陳居民之上。其鼓舞倡率。惟如風。爾所

治之下民。其觀望聽從。惟如草。風行則草偃。上行則下效。此必然之理也。凡圖謀厥政事。無大無小。都兢兢業業。莫或不以艱難之心處之。且周公之政。其大體固不可易。而時異世殊。則有當廢。又有當興。不容不度因時而為之。處置。但須出入反覆。自爾師衆。虞其可否。以求至當。若衆庶之言論皆同。則又當自紬繹而深思之。然後見之。施行可也。爾其有切於事之嘉謀。有合於道之嘉猷。則先入告爾后于内。一一敷陳。

無有隱匿。爾乃又不君自以為能。將順之于外。曰。凡斯嘉謀。斯嘉猷。有利於國。有益於民。都惟我后之盛德。主持裁斷於上。非臣下所能預也。此乃忠順之極至。臣道之純美者也。嗚呼。若使為臣人者。咸若時。則惟其忠良之德。不失顯名哉。成王又呼而告之曰。君陳爾惟必斟酌變通。弘拓周公所遺之不訓。使五益光顯。敷布於萬民。乃能繼周公以成治耳。無依權勢以作威虐。無倚公法以中侵削。必寬厚而有節制。必從容。

書經

卷八

君陳

三

成章

以和之。而後政又民安。周公之丕訓。於是乎弘矣。夫

下都之殷民在刑辟。未_レ經決斷。予曰。可_レ加刑辟也。爾

惟勿_レ從我意而加刑辟矣。予曰。可_レ赦宥也。爾惟亦勿

隨我意而赦宥矣。須_レ惟詳明法意。權其輕重。以致厥

中。則無_レ濫及倖免之失。而為用法之平也。若有習於

強梗。弗_レ肯_レ若于汝之政令者。又安於昏昧。弗_レ能化于

汝之教訓者。則不免_レ加之以刑。然是刑辟一人。而可

以為千萬人之戒。因以止罪辟。乃從而刑辟之可也。

(女九反)

又有_レ狃習于姦宄之事。不知_レ悛改者。與夫毀_レ綱常

壞_レ亂風俗者。此三者其所犯。雖是細小。其關係甚重。

不可_レ赦宥之矣。爾之所治。無_レ忿怒疾惡于其頑愚不

聽_レ訓化者。須_レ是優游不迫。開導勸化。則無_レ不可_レ化之

人矣。人各有能有不能。無_レ求責全。備于一夫。須_レ是取

其所長。舍其所短。則無_レ不可_レ用之人矣。輕躁之人。不

足以圖事。必有_レ堅忍之氣。其乃於事有濟也。淺狹之

人。不足以畜_レ眾。必有_レ寬容之量。然後其德乃_レ廣大也。

豈可忿疾於頑乎。如職業有修與不修。爾當簡別。厥能修職業者。亦當簡別。其或不能脩職業者。如行義有良與不良。爾進用厥良善者。以倡率其或不良善者。則人人都勉於興行矣。豈可求備於一夫乎。惟民受天地之中。以生。其本然之性。原自淳厚。只因外物引誘。遂有為其所遷。而趨澆薄者。且民之常情。違上人之所命令。而從厥所喜好。如所令反其所好。則雖嚴刑峻罰。必不能驅之使從矣。爾君陳若克敬其君

臣父子兄弟夫婦朋友之常典。而身實在其德。能謹其所好。時乃百姓皆感發興起。罔不變其澆薄。以歸於淳厚也。由是化行俗美。允能外于大猷之道。而無復梗化之民也。已。如此則惟予一人得以垂拱於上。膺受多福矣。其亦爾之休美也。終將俱有令辭於永世矣。爾可不勉圖之哉。

顧命

史臣記。惟成王在位三十七年四月哉生魄。成王感



疾而不懌悅至甲子日成王病勢愈重欲命群臣輔導中

太子上慎重其事乃力疾而起音挑洮盥頰音梅面於水左右扶

相之人被以衾冕之服然後憑玉几音全以發命焉乃同

召太保兼冢宰召公奭如稅反司徒芮伯宗伯彤伯太師兼

司馬畢公司寇衛侯大傅兼司空毛公及宿衛之官

師氏虎臣百官之尹與諸御事之臣危總至前聽命成

王曰嗚呼我之疾已大漸進惟幾殆而未絕耳然病

日增臻既彌甚而留連其勢已不可起矣恐一旦遂

死不獲出誓言以嗣續我志續茲予所以及未死之時

詳審發訓以命汝等汝等其專心聽之可也昔我先

君文王武王相繼皆明其德以宣著其先後重疊之

光輝其君德之盛如此故能奠定民所麗依以養之

又陳列教條以開示之其政教如此則我周之民莫

不服肄矣服肄而不違習風聲遠被用克達於殷邦民

心既歸天意斯屬遂集大命於我周矣我承在其後

之侗也音同愚然亦常兢兢然致敬以迓迎天威不敢有一毫

怠忽之心。嗣守文王武王敬天勤民之大訓。無敢昏
 昧逾越也。今天降疾於我身。殆將必死。弗能興起。弗
 能醒悟矣。繼我而為君者太子釗也。爾等尙明記時
 朕言語相與用敬。慎保護元子釗。左右維持。使能弘
 濟于艱難之業。而守丕基於不墜可也。汝必敬輔元
 子。柔遠民而接引之。能近民而調習之。以盡夫撫萬
 民之責焉。汝必敬輔元子。安寧勸導四方小大庶邦。
 小者使之以得自立。大者使之以不敢自肆。以盡夫御

諸侯之責焉。我思夫人之所以為入者。肅恭收斂。自
 亂于其威儀。使一身之中。有威可畏。儀可象。方能無
 愧於為入耳。爾必輔元子。端其威儀之本。慎無以元
 子釗冒貢于非禮之幾微也。於茲群臣既受顧命。而
 退還。乃徹出其所設綴衣于庭中。越翼日乙丑。成王
 遂崩。太保召公奭奉成王遺命。命仲桓南宮毛二近
 臣。俾爰齊侯呂伋以二具千戈。虎賁之士百人。往逆
 太子釗于路寢南門之外。延入路寢翼室。為恤宅之
 書經通解 卷八 顧命 七 成王

宗主以示繼體之有入。天位之已定也。後三日丁卯。

召公將傳顧命於康王。先命史官作冊書。及受冊之

法度。後越七日癸酉。成王既殯。伯相召公命士須材

木以供喪事雜用。於是命狄人設黼辰於御坐之後。

又設綴衣於周圍。悉如成王生存臨御之儀。於路寢

戶牖之間。南嚮之處。敷設三重篋席。其席以黼繒為

純。設華玉所飾之仍几。是成王平日朝見群臣之坐

也。又於西序東嚮之處。敷設三重底席。其席以綴繒

為純。設文具所飾之仍几。是成王平日聽事之坐也。

又於東序西嚮之處。敷設三重豐席。其席以畫繒為

純。設彫玉所飾之仍几。是成王平日養國老饗群臣

之坐也。又於路寢西邊夾室南嚮之處。敷設三重筍

席。其席以玄色之繒。紛為之純。設漆飾之仍几。是成

王平日燕親屬之坐也。凡所設四席者。不知神之所

依。於彼於此。故并設之也。越列玉五重。又陳各樣寶

器。如赤削之刀。帝王之大訓寶也。及弘璧琬琰玉也。

則陳列在西序太玉夷玉及天球音求陽球玉也。河圖寶也。則

列在東序胤國所制之舞衣如軍渠音長八尺及大貝鼗鼓音長八尺皆制作精

巧備文事者則陳列在西房徒外及工人兌所制之戈工人和所制之

弓共工垂所制之竹矢皆制作精巧備武事者則陳列在

東房此皆先王世傳之器亦成王平日所服御者故

設之以寓如存之感也。又陳設五輅音路大輅在賓階音路南

面綴輅在阼階音東南面先輅在左塾之前音塾北向與玉輅

相對次之者象革二輅在右塾之前音塾北向與金輅相

對此皆成王平日所乘者故備設之亦陳寶玉之意

也。然儀物之陳皆以西為先者以成王殯在西序故

也將迎新王故肅儀衛以備不虞使武士二人音赤戴雀

弁執惠立于畢門之內四人戴綦弁執戈上向其刃音其文鹿子皮

夾音便立于東西兩階之旁音其近堂棧之音其祀音其每階二人又大

夫一人戴冕執劉立于路寢之東廂堂一人戴冕執

鉞立于路寢之西廂堂一人戴冕執戣音達立于東序之

階音上垂一人戴冕執瞿音屬立于西序之垂一人戴冕執銳立

於西序之垂一人戴冕執銳立

于北邊之側階上。康王居憂於東室。故凡儀衛之陳。皆以東為先也。儀物既陳。宿衛既備。乃迎嗣王入受顧命。且有祭告之禮。故變凶服而用祭服。康王乃麻冕黼裳。由賓階降。堂蓋未受顧命。猶不敢以主道自居也。公卿大夫士及邦君。皆麻冕蟻裳。從王而升。各入卽班位焉。太保受遺詔。太史奉冊。太宗伯相禮。三人皆服麻冕彤裳。純用吉服。太保承介圭。以其為天子之所守也。上宗奉同與瑁。以其為祭祀朝覲之主。

也。皆有主道焉。故由阼階降。堂太史秉遺命冊書。以其尊先王之命。故由賓階降。堂遂御康王。以此冊命。

復口陳其意曰。皇后成王。當大漸之時。親憑玉几。道揚臨末之命。命汝嗣守文武之大訓。臨君我周之邦。

家然既居大位。汝須必率循先王之大卞。以燮和天下之臣民。使皆相安相樂。無一人離心。能如是。則可謂善繼善述。用慰答宣揚文武之光訓。而不負其啓佑之意矣。先王之所望于汝者如此。可不勉哉。康王

彌小反小

再拜而興答曰君道甚難天命可畏眇眇然予微末

小子其能循大法致大和如而我父祖之亂治四方以敬

忌夫天之威命乎蓋深以不勝為懼也乃受太宗伯

所奉之同瑁瑁則授之於父同則用之以祭康王乃

三致肅敬宿爵於神位之前三祭酒於同中陟駕及奠三咤同

於神座以告其已受顧命也上宗伯乃傳神命曰先

王已歆饗矣康王既行祭告之禮以所奠之同爵授

於太保太保受同爵然不敢用之以祭遂降堂盥洗

疾各反報

小宗伯

其手更以所異之同爵秉持璋瓚以酢祭因授宗人

以同爵使代安神座遂拜以成禮告其已傳顧命則

康王以子道自處亦代尸答拜焉蓋太保以元老大

成受託孤重任故王答其拜所以致敬也時康王居

喪不可飲福故宗人酌酒於同以授大保太保乃代

王受同爵先祭酌酒於地然後舉酒而齊才詣及至齒不甘其味

也於是退宅居其所立之位授宗人以同爵而下拜以

謝神賜康王又代尸答拜焉祭禮既畢太保降堂有

司收徹器用。助祭之諸侯皆出廟門。俟見新君。與之更始焉。

康王之誥

史臣記。康王初立。羣臣候見新君。康王乃出在於應門之內。於是太保召公為西伯。則率西方諸侯入應門左。畢公為東伯。則率東方諸侯入應門右。分領所屬。敘立已定。乃皆陳布乘之黃馬。而朱其鬣。以為庭實。諸侯之為賓者。又各稱所奉之圭。兼以幣。帛致詞。

曰。天子新即大位。羣臣禮定。朝見。我一二臣子在外

為王藩衛者。敢執其壤地所出之馬。與幣。以為奠贄

之儀。致詞已畢。乃皆相率再拜稽首。而致敬。盡禮焉。

是時康王已即大位。義嗣前人之德。故亦答拜焉。太

保召公暨司徒芮伯。與群臣咸前進相揖。定位。次。又

皆再拜稽首曰。今王為天子。羣臣敢致敬。進告於天

子。皇天厭棄殷紂。無道。遂一旦改革大邦。殷之天命

使之盡喪天下。惟我周家文王武王二聖相承。乃誕



受美里出囚始若之天命然皆由文武克撫恤西土

之衆使得其所非偶然也惟我新陟之成王以兢業

守之公愛明威畢協賞罰之至當未嘗徇一己之私

情音堪克戡立定厥功用敷遺後人之休美今王嗣位其能

保守以敬之哉敬之何如治安之久易有陵遲之漸

必振飭戎務張皇六師之制使器械嚴整士氣精明

足以警服人心鎮定天下甲切無姑息廢弛壞我高祖

文武艱難寡得之基命也康王若此曰爾庶邦侯甸

男衛之諸侯既有陳戒於我惟予一人釗將亦有以

報答於爾之誥詞昔我先君文王武王有不博均平

之德減薄稅斂使天下都富足人有罪惡不得已而

加刑唯務德而不務答罰此心見之於外則推行底

於至極之處存之於內則兼盡而齊其誠信內外充

實光輝發越用昭明于天下不可揜也則亦有如熊

如羆之武士與純一忠實不二心之賢臣同心協力

相與輔佐以保乂我周王之家邦故文王武王用此

書經傳解 卷八 康王之誥 十三 成章節

承受端正之命于上帝皇天亦用此訓厥道謂可以
 君主天下而付畀以四方之大也夫先王文武既創
 王業猶慮後人無以守之乃命封建侯國樹立藩屏
 其意蓋在輔佐我後世為子孫之人也今予一二同
 姓伯父諸侯繼爾父為臣庶幾相與尚胥暨顧念綏定爾先公
 之臣服于我先王之道而事我以盡蕃衛之責雖爾
 身奉職在外而乃心汝則須孜孜報國罔不常在王室
 用此心奉上之恆勤厥若順不違無或不能輔佐以

遺我鞠子之羞推取斯則顧綏之道盡而無愧先公矣
 爾等可不勉哉太保以下羣公既皆恭聽王報告之
 命已畢乃皆相揖而趨出王乃釋去冕服反著喪服
 蓋行即位吉禮畢仍行居喪之禮也

畢命

史臣記惟康王即位之十有二年六月庚午朏越其
五日後三日壬申康王於是日之朝步自宗周至于豐親
 告於文王之廟以成周下都之眾命畢公往保釐此

書經

卷八

東郊下都之民。蓋殷民自周公君陳以來。雖向化已久。而餘風尚存。康王以此任命畢公。其責甚重矣。康王若此。曰。嗚呼。父師畢公。惟我周家文王武王敷布其大德于天下。用克受有殷之命。而創建大業。保守之道。在今日所當加意也。惟周公以王室懿親。累世輔政。左右先王。用能綏定厥國家。保固王業。又加意謹密。治殷頑愚難化之民。區處防閑。極其周密。遷之于洛邑。使之下密邇王室。日聞我周家仁聲善政。親近

我周家仁人君子。式化於厥德義之訓。蓋自遷洛以

至今日。撫摩馴習。既歷三紀之久。當時之頑民老者

盡少者壯。世運已變更矣。然後染惡之民。悉化為友

順。而風俗翕然。其移易焉。如今殷民安。而四方俱安。

天下太平。無復可憂虞之事。予一人以得垂拱安寧。

斯豈一朝一夕之所致哉。抑亦化之之難也。蓋世道

有日升而趨於治。有日降而趨於亂。故為政者當由

俗以為變革矣。當今之政。旌別淑慝之時也。苟不臧

書經

卷八 畢命

十五

成宣

厥臧善則民罔攸勸慕矣。惟畢公有懋盛大之德。備道全

美。不但大節過入。又克勤慎。一言一動之小物。絕無細行

怠忽。其德如此。弼亮文武成王。與朕之四世。為之元

老。風采凝峻。正色表儀於朝著之間。以倡率群下。故

在群臣罔不祇敬師法之言。蓋公聞望素孚。勲業茂

著。其休嘉之績。已多于先王之時。不特今日為然也。

今予小子垂衣拱手以仰其治功之成而已。然則保

釐之任。舍公其誰屬哉。康王曰。嗚呼。父師畢公。今予

就祖廟之中。祇行冊命。命公以周公化服殷民之事。

公其往莅東郊。而盡保釐之道哉。保釐東郊者。必當

旌獎簡別為淑者。與為慝者也。能化其訓者。則旌表

厥居宅閭里。光彰為善之人。以羞瘠為惡之人。卓然

樹立善入之風聲。聞者莫不興起矣。弗率訓典者。則

分殊厥井里疆界。不令與善人相混。俾之克畏懼為

惡之禍。羨慕為善之福。且王畿四方之本。其遠近疆

界。舊已規畫者。須又申明規畫。郊圻之地也。封域之

書經通解 卷八 畢命 十六 成章館

內。其高深險阻。舊已守禦者。頌又申謹慎。堅固封域。守也。夫如此以康定四海之民矣。凡設施於政事者。必貴乎有恒。不可朝更夕改。則政立而民莫不遵從矣。宣布於辭令者。必尚乎體要。不可浮汎失實。則令出而民莫不聽信矣。尤當不惟作聰明。趨浮末。好竒異之事矣。凡是治體之要務至戒也。商俗反之。靡靡然相與隨順。利口捷給。惟為賢。雖以周公之聖。君陳之賢。治之。而習染餘風。尚未殄絕。公其念此哉。我



聞古人之言曰。凡世享祿位之家。為逸樂養之所。鮮有克。由於禮教者。既不由禮。則心無所制。遂以驕蕩陵蔑。有德之人。不知忌憚。則實其悖逆天道。甚矣。由是敝壞風化。為奢侈美麗之事。無所不至。蓋人不由於禮教。則必流於奢侈。此非持一時為然。萬世世祿之家。皆同此一流。可深慨也。今茲殷之庶士。正是世祿之家。其憑席前人之榮寵。安享富貴。其有自來惟舊矣。夫入之私欲。每與公義相為消長。惟怙

時其侈泰。不知悔改。必至絕滅義理。義理既滅。則無復羞惡之萌。徒以服飾之美。炫耀于人。而身之不美。則莫之恥也。流而不止。為驕。為淫。為矜。為侈。百邪並見。將由罪惡以終焉。反復化訓。雖一旦少收其放逸之心。然竟習染既深。惡本尚在。則防閑之。其在今日。猶惟艱。公可不念哉。且殷士不可不訓之也。其資財富而能訓之。則心不遷於外物。惟可以全其性命之正。而永久其年壽矣。然所以訓之之法。惟德惟義二

者而已。時是乃天下之大訓也。然又必須警放。古人德義之事。述為訓戒也。若不由古以為訓。則在我既無徵。而在人必不信矣。又于何其為訓乎。康王曰。嗚呼。父師畢公。我周邦之安與危。專惟由於茲殷士之率服與否。故我惓惓命公以化訓殷士者。以其關係之重耳。然化之道。又貴得中。不剛而過於暴刻。不柔而流於姑息。則適得其中。將見殷士莫不感恩畏威。厥德允其能修矣。邦其有不安乎。惟昔周公親自監

殷民謹茲戒飭不敢少忽是克慎厥始也惟君陳繼
 周公之後從容和緩以導之是克和厥中也今既歷
 三紀世變風移惟在公又當剛柔互用使殷民感化
 以終二公保釐之功是克成厥終也乃我所期望於
 公者如此矣是三后繼治協合其心同底于治道將
 見其道無有不洽其政無有不洽矣由殷民以及四
 方德澤潤於生民而在四夷左衽之俗亦罔不咸仰
 賴中國之德澤賓服恐後矣予小子得以永膺受多

福公之功不亦為大哉公其惟為時成周建立千萬

年無窮之基業將見勲德之盛傳播後來此亦有千

萬年無窮之聲聞也至於子孫有治民之責者亦當

奉訓其所行之成式惟以乂治後來之民不敢更變

也嗚呼公今往東郊罔曰殷民反側自昔難治我力

弗克為也惟當勉既厥心無少退託則業可成矣又

罔曰蕞爾殷民寡弱易制畢竟不足為也惟當敬慎

厥事無少輕忽則功可立矣總之公當欽若先王之

成烈思所以繼述而保守之以益加休美于二公之前政也此在公今日之責其尚盡心慎事以圖之哉

君牙

臣名

史臣記穆王命君牙為大司徒乃若此日嗚呼君牙惟乃祖乃父在我先王時相繼為司徒之官世世篤厚於忠貞以服役效勞於我王家罔不錫力厥有成績之美紀載于太常之旗迄今猶炳然如見也惟予小子以眇躬嗣守文武成康之遺緒任大責重亦惟

有忠貞服勞如我先王之臣克左右予一人以亂天

下四方然恐賢才難得委任非人則化理無成大業

將墜故心之憂危惴惴焉懼弗克勝若蹈虎尾者有

噬齧之患涉于春冰者有陷溺之虞我今命爾仍祖

父之舊居司徒之官以為予之輔翼其職親重視如

一體當為我作股肱心膂也然爾欲盡職豈必他有

取法哉忠貞服勞纘乃祖考舊所服行之事無或墜

失其先世之業而忝辱於祖考也汝為司徒掌邦教

則必弘敷布親義別序信五者典常之道使天下皆
 曉然率由於此式敬以和協民之彛則而不至於詐戾
 此乃教入之方也然立教之本又在於爾身爾身克
 正則民有所視效觀法而罔敢弗正表正則影直也
 民心或陷溺罔中正道理亦惟爾當端本澄源而率
 之以中正之道理源澄則流清也夫人之為道衣食
 已足而後禮讓可興夏而暑雨小民暴身露體在田
 畝之中則惟相與曰怨恨咨嗟冬而祈寒小民手足

肌膚盡皆凍裂則亦惟相與曰怨恨咨嗟蓋厥生計
 惟亦艱難哉為司徒者宜時時思念其百姓之艱難
 困苦以圖謀其所以為衣食之易者音異事事都詳為之
 所則民生乃見其康寧矣爾君牙可不勉盡斯道哉
 嗚呼丕而光顯哉此文王造區夏和萬民之謨猷也
 又不而善承哉此武王一戎衣定天下之功烈也以
 是開啓祐助我後人事事咸以天理之正而其大綱
 振舉細目畢張又罔一或缺者矣今爾所居者乃祖
 書經通解 卷八 君牙 二十一 成章官序

乃父之職。所治者。文武成康之民。惟必當敬明乃司。司
 徒之訓。用弼亮朕躬。奉若于先王之舊。以對揚文武
 謨烈。垂裕之光命。使之愈益光大。而爾之忠貞。世濟
 亦追配于前人可也。可不勉哉。穆王申命之若此曰。
 君牙。今乃為司徒。不必他有取法。但惟由先正之舊
 典。而時遵守。以為法式。焉可也。使爾能式舊典。則政
 教脩而民治。不能式舊典。則政教弛而民亂。凡民之
 治亂。關係在茲。可不慎哉。若爾果能率乃祖考之攸

行。不致失墜。則四海之內。雍熙樂利之化成。而天下
 又安矣。此昭顯乃辟之有致。又治也。不亦美乎。

問命

史臣記。穆王命伯冏為太僕正。乃若此曰。伯冏。惟予

一人。弗克全于其君德。乃繼嗣先人。文武成康之後。

宅此丕后之位。祖宗累世之基業。四方萬姓之安危。

皆責在朕躬。是以中心怵惕。恒惟危厲。至於中夜以

興。不能安寢。惟思免於厥咎。愆過。以求無忝君人之道。

耳。昔在我文王武王。以言其德。則聰而無不聞。明而無不見。齊而嚴肅。聖而通達。既有天下之全德。而在廷小大之臣。又咸懷忠貞良善之心。精白從事。當是時。宜無待於近臣之助也。然其侍御僕從。常在左右者。亦罔匪端方正直之人。以旦夕之間。薰陶涵養。承弼厥辟。其得久如此。故一出入一起居。都在規矩準繩之中。罔有不欽發一號施一令。都合乎天理。當乎人心。罔有不臧。君德日盛。治道日隆。由是下民皆祇

若而萬邦咸底於休美矣。惟予一人。資性無良。不能勉於為善。實倚賴左右前後有位之賢士。各盡乃心。以匡輔其所不及。繩直過愆。糾正差謬。格正其非。辟之心。庶其可俾。我克繼紹先王文武之遺烈也。今予命汝作大僕正之官。以正于汝所屬群僕侍御之臣。使各懋輔。乃后德。而交修予之所不逮焉。且為正之職。當謹慎簡擇。乃羣僕侍御之僚屬。斷然無濫以巧於言詞。令其顏色。優辟承奉。姦側諂媚。盡惑君心。壞

亂國是者其惟善人吉士。正大鯁直之君子。然後用之可也。夫僕從之臣。關係於君德者甚重。若僕臣是正直之君子。則厥為君者。日親正士。日聞讜言。兢兢業業。而克正直矣。若僕臣是諛佞之小人。則厥后傲然自謂。有聖人之德。於是快意恣情。無所不至。而日淪於邪僻矣。是可見后德之成。惟由於僕臣。其不德亦惟由於僕臣。其職所關。甚重如此。爾慎無昵尼爾及比儉邪小人。狗私引用。使之充備我耳目待從之官。日盡

惑聰明。導迪君上。以非先王祖宗之舊典。此汝之所

當深戒也。爾今簡求侍御僕從。若非以忠良正直之

人。為其吉士。反惟以交通貨賄。營求進用之人。為其

吉士。而登用之。若時是則布列左右者。皆是小人。必不

肯引君於當道。遂瘵廢厥匡弼之官。而不舉矣。惟爾

大弗克祗敬。厥辟若引用非人。孤負委託。惟予當治汝

之辜。不輕貸也。可不戒哉。穆王曰。嗚呼。凡我告爾之

言。爾其欽承之哉。必當慎簡正直之人。永遠匡弼。乃

后于國家之典君常彝法憲。不使小人在側。變亂成法。盡惑上心。乃為盡職。無忝也。

呂刑

史臣記。昔維呂侯為大司寇。承穆王之命。以訓刑。穆

王享國。在位五十年。其齡已百年。則耄以荒矣。猶以

刑獄重事。乃大加裁度。作為刑書。以詰治四方。呂侯

傳穆王之命。曰。若上古有遺訓。傳聞鴻荒之世。渾厚

敦龐。民俗無有不善者。至黃帝時。蚩尤惟始。倡作暴

亂。驅扇薰炙。轉相延引。及于平良之民。皆化而為惡。

罔不為寇。為賊。凶橫凌人。如鴟鴞之惡。以害人為義。

為姦。為宄。劫奪攘竊。矯詐虔劉。日以暴虐為事。穆王

推原禍亂之端。如此。以見上古不得已。而用刑也。苗

民倣效。蚩尤之暴。弗用靈道。而制以刑罰。乃惟作為

五者。暴虐之刑。號曰常法。以殺戮無辜之人。爰始淫

為劓。鼻。則耳。椽。竅。黥。面。之法。越茲麗法者。必刑之。又

牽連人眾。鍛鍊成獄。并制無罪之人。罔為差別。於有

曲直之辭。一槩加之。以刑。苗民淫刑流毒如此。此今日所當深戒也。當時之民亦皆聞風興起。胥與漸染。成習化而為惡。泯泯然昏迷。焚焚然擾亂。凡百事為罔復中心。由于誠信。惟以反覆為詛。咒盟誓相欺相詐而已。當時虐政作威。衆庶被刑戮者。方心口嗟怨。告其無辜于上天。上帝俯監。苗民罔有馨香之德行。而其刑戮所發聞。惟是腥穢而已。有苗之惡。上通於天。如此。故天假手於有德之君而殄其世也。於是皇

帝舜惻然哀矜。衆庶被戮者之不辜受刑。乃仰體天心。報有苗虐民之罪。以殺伐之威。遏絕苗民。竄其君分北其黨。使無繼世在下國。以貽民之害焉。蓋有苗之惡。天下共憤。帝舜下為民除虐。上代天討罪。此所以刑當其辜。而萬世稱好生之德也。當三苗昏虐。民之得罪者。無所告訴。心中惶懼。相與聽於神。於是妖誕師巫之流。肆為邪說。扇惑人心。民神離亂。邪正不分。帝舜欲正人心。息邪說。乃命重氏黎氏。脩明祀典。



禁絕尊卑上下地天之混雜通行不許褻瀆祀典已
 正罔復有假託鬼神降格禍福之邪說然常道不明
 則民情易感也乃當時群后之在上者逮百官之在
 下者又皆明明精白以棊助常道賞罰咸當公道大
 明雖鰥寡至微者無有為善不得自伸而反益蔽阻
 抑以得禍者矣蓋人心不知常道則冥昧怪異之說
 得以入之惟常道既明禍福顯著人將求之明而不
 求之幽語其常而不語其怪自然邪說屏息世道清

明此輔助常道所以為正人心之本也皇帝舜清白
 虛心訪問下民以開其進言之路但見百姓雖鰥寡
 至微者都歷歷有辭說于有苗之罪惡帝舜於是
 德為威而不以虐為威惟天下惕然畏而決於為善
 去惡矣又以德為明而不以察為明惟天下曉然明
 而皆知為善去惡矣帝舜以道化民而民自化之如
 此則一於刑威伺察者抑末矣然猶以一人不能獨
 理乃命伯夷禹稷三后同致憂恤之功于民命伯夷



為秩宗。降布天地人之三典。以折絕民之邪妄。若失

其禮。則惟入刑焉。是正民心也。命伯禹為司空。平治

水土。表主名。識名山大川。以定疆域。是安民居也。又

命后稷為田正。使頒降播種之法。教民稼穡。農殖嘉

穀。是厚民生也。三后各掌一事。其後皆有成功。惟致

殷富于天下之民。而無一人不得其所者。不似有苗

時窮苦愁怨也。民既富而可教矣。又恐有不率教者。

乃命臯陶為士師之官。防閑禁制百姓于刑之輕重

得中者。使之知所以檢其心。以教導之於祇德之地。

焉。當是時。但見帝舜恭己南面。有穆穆然和敬之容。

以君臨在上。伯夷禹稷諸臣。同寅協恭。有明明然精

白之容。以輔佐在下。君臣之德。積中發外。光輝昭灼。

于四方。是以四方百姓得於觀感者。亦皆興起罔不

惟德之勤勉者。其治化之盛如此。但民之氣稟習俗。

未必皆齊。故乃命臯陶為士師。明于刑之輕重得中。

率此以又于民。因以棊輔其彛性。此則刑罰之精華。

與苗民之無有馨香而發聞惟腥者異矣。凡典獄之官皆得其人。非但能訖法于權威顯赫之家而不為勢屈亦惟得訖法于豪富賄賂之人而不為利誘。其心中常敬畏忌憚不敢怠忽。是以聽斷之間至精至當。罔有可擇之言語在己身。而其大公無私。惟克純乎天德。無毫髮不可舉以示人者矣。天德既在我。則我自作死生壽夭之元命。而配享在下也。夫天制福善禍淫之命於上。刑官司生殺予奪之權於下。虞廷

用刑之極功。至於與天為一如此。是後世所當法也。穆王勉諸侯敬刑。曰嗟夫。爾等四方諸侯司政事典刑獄者。豈非爾惟作代天牧民之人乎。仰體天心。以盡司牧之道可也。今爾當何所監視。豈非時伯夷播布刑罰之法。以啓迪開導斯民者乎。其今爾當何所懲戒。惟時苗民也。蓋苗民倚勢作威。匪詳察于獄辭之所麗。又罔選擇吉良之人。使觀于五刑輕重之中。惟時庶貴者亂政。以權威富者奪法。以貨賂斷制五



王吉錄及

刑以亂罰無辜。被害之民呼天稱冤。上帝不獨貸其
 所為。遂降災咎于苗民。於是苗民無所辭于罪罰。乃
 子孫殄滅。絕厥世嗣。此其所當懲戒者也。穆王專告
 同姓諸侯曰。嗚呼。凡我諸侯。其尚思念之哉。爾等有
 尊而為伯父伯兄仲叔。有卑而為季弟幼子童孫。不
 論尊卑長幼。皆當敬聽朕言。我今庶幾有格至之命
 令。以告於爾也。夫刑獄重事。當反覆詳審。今爾罔不
 由以自慰。於日加勤慎也。若一不勤而心不安。則刑

必不當矣。爾罔或以失刑悔戒於不勤也。雖追悔而
 深戒之。然死者不可復生。斷者不可復續。其何益之
 有。且刑獄非所恃以為治也。天以是整齊于亂民。禁
 姦戾暴。俾我為一日之用而已。不是常常用之。故凡
 人有罪。有非是故終當寬宥者。又惟有出於故終。當
 誅戮者。都只在其所犯之人如何。不得容一毫私意。
 惟是至公至當。乃可以合天道而服人心。爾尚敬逆
 上天之命。以奉事我一人。不可下以我之喜怒為輕重。

若我雖欲畏刑此人爾勿輕易畏刑之我雖欲休宥此人爾勿輕易休宥之惟當敬謹於五刑之中以輔成我剛柔正直之三德夫如此豈但可以慰安汝心哉我一人既有國家太平之慶天下兆民亦仰賴之其共享安寧之福惟永久而不替矣爾其深念之哉穆王曰吁皆來矣凡汝有邦有土之諸侯我告爾以吉祥之刑是實足以助教化而安百姓也汝其聽之在今之時爾等欲用此祥刑以安百姓何者所當選

擇得非理刑之人乎何者所當敬慎得非用刑之事乎又何者所當審度得非獄詞之所連及者乎此三者能盡其心則刑無不當而民無不安矣夫聽獄之法是兩家爭訟都造在官又辭與證都具備者乃與眾師獄官共聽此麗於五刑之辭若所聽五刑之辭簡核情實已皆孚信無可疑乃正之于五刑以議其罪若五刑議罪之時有詞與刑參差不簡核者是刑有可疑者也則正于五等之罰而許其贖刑不必加

矣。若五罰議贖之時。猶有詞與罰參差不服。應者。是罰有可疑者也。則正于五等之過。而直赦之。罰亦不必加矣。然五過之弊。由於典獄之官。有徇私玩法者。其數有五。或惟畏權勢。而不致執法。謂之官。或惟報恩怨。而不出於公。謂之反。或惟聽婦言。謂之內。或惟受賄賂。謂之貨。或惟聽干請。謂之來。此五者皆以私意出入人罪。是執法之人。先自壞法。情尤可惡。其罪惟與犯人均。其科不可輕恕也。爾等其必詳審精

察。務盡其力。以克之矣。又五刑不簡。正於五罰。是五刑之中。可疑者。有當寬赦之人。五罰不服。正于五過。是五罰之中。可疑者。有當寬赦之人。出入之間。關係最重。汝其必詳審盡力。以克之可也。如刑與罰簡核。可孚信者。有眾多。亦未可遽加之。以刑罰。惟當就其容貌。而有加替察也。若無情實。可以簡核。則當直赦之。不必聽矣。然疑獄難明。私心易起。爾等掌刑之官。具當戰兢惕勵。嚴畏上天。監臨之威。無敢有毫髮之

言經推解

凡章館子

不盡心可也。五刑之疑者。固有五罰以赦之。但罪有

輕重。則罰有多寡。不可以不審也。如墨辟有疑而當

救者。其罰納金一百錢。以免本罪。必閱實其情罪。真

有可疑而後赦之。劓辟比墨刑為重。有疑而當赦者。

其罰惟加倍。至二百錢。亦必閱實其情罪。真有可疑

而後赦之。剕辟比劓刑尤重。有疑而當赦者。其罰加

倍。而又有參差。至五百錢。亦必閱實其情罪。無輕赦

也。宮辟比剕刑尤重。有疑而當赦者。其罰至六百錢

亦必閱實其情罪。無輕赦也。大辟乃五刑之極重者。

有疑而當赦者。其罰至一千錢。亦必閱實其情罪。真

可赦而後赦之也。然此五罰之條款。其間又有不等

墨罰之屬。其條有千。劓罰之屬。其條有千。剕罰之屬。

其條有五百。宮罰之屬。其條有三百。大辟之罰。其屬

有二百。總計五刑之屬。凡有三千。所謂正律也。但律

文有限。罪犯無窮。若律無正條。難以定罪者。又宜上

下比附其罪。觀其情罪相當。輕重適宜。然後斷之也。

書經指解 卷八 呂刑 三十三 咸章館子

然當比罪之時。識見未定。多有惑於人言。而妄爲比附者。必裁度可否。無聽僭差混亂之辭。亦有泥於古法而強爲比附者。必斟酌時宜。勿用今所不行之法。惟所精察。惟其法意。其當詳審反覆。務以克之矣。庶幾五刑之用。各得其當耳。若罪在上等重刑。而其情適輕。當是以下刑服之。罪在下等輕刑。而其情適重。當是以上刑服之。不止用刑如此。卽輕重諸罰亦都斟酌損益。而有如權衡以求物之輕重。然此權一人

之輕重者也。至於刑罰。固用於一世者。故世當開創之初。人心未定。則刑罰之用。皆宜從輕。世當衰亂之餘。人心不肅。則刑罰之用。皆宜從重。此權一世之輕重者也。或原情而定罪。或隨時而制宜。惟雖整齊畫一之中。反有參差非齊者。然究其歸。則皆合乎人情。宜乎世變。截然有倫序而不可亂。確然有體要而不可易者。豈徒任意以爲之哉。五刑之有罰贖。本薄示懲創。非至於死。但人重出贖。亦極于病矣。夫刑官乃

民之司命。輕重出入。關係生死。故非口才辯佞之人。可_三以折斷獄訟。惟是溫良和易之人。方能折斷獄訟。輕重得宜。而罔非在於中也。然又當有聽斷之法。凡辭非情實。終必有差。故審察言辭于其差錯者。則真情自見。又不可偏執。如始以為非。可_三從。終或又以為可_三從。惟_レ有_レ可_レ從_レ之理。要_三當_三常_三存_レ此_レ哀憫敬謹之心。以折斷獄訟也。如此。則情實無不得矣。既得其情。又不可獨任己見。乃明啓刑書法律。而與眾人胥占度。擬議其罪。使咸庶幾於中正之則。而無所冤枉。然後其當刑者。刑之。其當罰者。罰之。又其審度以盡其所克之矣。由是獄成於下。而可以取孚信於人。輸奏於上。而可以取孚信於君。已_レ是萬無_レ一_レ差。又不可自專。如其刑罰之詞。於上奏之時。必具備情節。而勿有疎漏。若一人而犯兩罪。則當有_レ并_レ其輕重兩刑奏之。取裁於上也。蓋不_レ惟_レ致_レ其精詳。而又極_レ其恭慎。此所以為祥刑也。穆王曰。嗚呼。爾等其敬慎之哉。凡我典獄之官。侯

也。穆王曰。嗚呼。爾等其敬慎之哉。凡我典獄之官。侯

伯同族異姓。都體我重刑之意可也。蓋死者不可復生。刑者不可復贖。朕今言說之。猶多畏懼。況用之乎。朕所以兢兢然敬慎于刑罰。不敢輕忽也。雖不得已而用之。皆有哀矜仁厚之德。惟以用其刑。而非特刑以為治也。今天之制刑。非以虐民。而所以相輔民之教化也。故典獄之官。能仰體天心。宥罪罰惡。以作上天之配。而在於下則可耳。然最明清于無證之單辭。使無一毫蔽汙。則姦不能欺。而曲直可判矣。今民

之所以得亂者。罔不由典獄以中正之心。又聽獄之兩辭。各執一說。以相證對者。汝等無或任意出入。以為私家囊橐之計。于獄之兩辭矣。夫鬻獄得貨。非可以為寶。惟自府積辜功於己身。至於罪惡已極。天必報以庶般尤禍。永遠可畏者。惟是天罰也。非是天不以中道待人。而偏罰之。惟人自在禍殃之命耳。使天罰不如是之極。則獄吏無所忌憚。恣意行私。以為虐政。庶民罔有蒙令善之政。在于天下耳。此天所以



必降之罰也。穆王曰：嗚呼！若爾嗣世子孫，都有治民之責者，自今以往，亦當何所監視，以為法？非古之用刑，以成德，感孚于民所受之中，使之亦全其性者乎？我試為爾等言之，其尚明聽之哉！我聞自古賢哲之人，如伯夷、皋陶，都惟掌管刑法之官，有無疆之譽辭。至今稱頌之不已，是何故？屬于其斷五極之刑，明清敬慎，咸得其中道也。此其所以有令聞無窮之慶，可謂祥刑矣。今爾諸侯受我王家之嘉師，良民而治之。

必當監視于茲，得中之祥刑。一以古人為法，務使德澤流於當時，名譽垂於後世，斯可耳。可不勉哉！夫用祥刑以安百姓，既深望於諸侯，監祥刑以治嘉師，又預告於來世，其言懇切，計慮深遠。穆王之惓惓於刑獄，真莫所不用其情矣。

文侯之命

史臣記：平王立，遷於東都，嘉晉文侯有立已之功，命為方伯。平王乃呼而命之，若此曰：父義和，我不顯祖。

同姓文侯字

大

文王武王。皆克敬慎。以明其德。本之身心。而達於政。治。光輝發越。無遠弗至。其德昭著。而外于上天。敷布。而聞在下。民惟時上帝眷祐。集厥大命于文王。以有天下。我周家之基業。其來有自矣。當時守成繼體。固有成康以下諸君。亦惟老成先正之臣。如爾祖父等。克左右扶助。昭明以事厥辟。越君有君於小大謀猷。罔不率從。宣布以光昭祖德。安定國家。肆我先祖諸君。得以懷安在位。而享太平之福也。嗚呼。閔予小子嗣位。

之造。乃為天所不愆。有父死國破之禍。今周德既衰。殄其資用。惠澤于下民。民心已離。邦本先撥。以致侮侵於戎狄。為我國家之害甚純矣。是我之所承者。既與先祖異矣。即我朝廷御事之臣。亦罔或者壽俊。傑在厥服。使者予小子。則又薄劣罔克。其何以濟此多難。所賴以輔之者。惟有望於在外之諸侯耳。曰。爾諸侯在。惟祖惟父之列者。其伊能恤朕躬乎。嗚呼。諸侯若能恤我。以下先正之昭。事先王者。而有致績于予。

言經拾角
卷八
成章館

一人則庶幾扶國祚於既衰而我亦可以永綏在厥

位如先先祖矣父義和當國家多難之後寡助之時猶

幸有汝克服勞王家昭明乃顯祖之功烈蓋我家不

造國統已中絕矣惟汝攘除戎難興復王家肇儀刑

文武之典章用會合諸侯迎立小子紹續乃辟之統

緒以追孝于爾之前文人而不忝其昭事先王之緒

焉且汝多所修完扞衛我于艱難之中王室以再造

若汝之功誠予之所嘉美者也平王曰父義和王室

已安汝其歸於晉國撫視爾師眾安寧爾邦家我用

賚爾秬鬯之酒一卣以供汝祖廟祭享之禮又彤弓

一張彤矢百枝盧弓一張盧矢百枝使汝得專征伐

又馬四匹以供征伐之用父義和往就國哉當脩舉

職業懷柔遠人能馴邇人恩惠以康安小民無或怠

荒以自安寧又必簡閱惠恤爾都鄙之士馬人民以

壯國威以固邦本則德威宣著勛業光明用益成就

爾之顯德矣汝其勉之

書經通解 卷八 費誓 三九 成章館

費誓

史臣記。周公之子伯禽。初封為魯侯。將征淮夷徐戎。

誓師於費地。魯公乃曰。嗟夫。爾諸人無得喧譁。都聽。

往者

我之命。徂茲已叛之淮夷。今又乘我始封。與徐戎結

構。並興為寇。故我不得不率師以伐之。夫戰莫先於

連條反縫完汝

舉大反繫

治戎備。爾等當善教。綴乃甲冑。敵帶乃干楯。無敢有

音的

一物不精。弔者則自衛之具備矣。預備乃弓矢。鍛鍊

都玩及淬

乃戈矛。磨礪乃鋒刃。無敢一器不善。利者則攻人之

大止開牧

具備矣。今惟淫舍牝牛馬於野外。爾居民必當杜閉

胡化反檻乃結及塞

疾郢反

乃捕獸之機。獲斂填乃陷獸之坑。穿無敢陷傷我所

牝之牛馬。若不預先除治。以致所牝牛馬之傷害。汝

則有常刑。以加之。不敢輕宥也。且軍士部伍。不可不

嚴整。軍中馬牛。其有牝牡相引誘。因而風狂奔走者。

有役使臣妾。棄家逋逃者。其失主勿敢越過軍壘。而

逐之。若有人得牛馬男女。則當祇懼小心。不敢藏匿。

必復還之。我自商度。爾所還之物。多寡輕重之數。以

言經指解

國書館

賞賚於汝矣。若乃不聽誓戒，亂部伍，越壘逐之，藏匿

不復。汝則有常刑，以加之。不敢輕宥也。無敢寇盜，搶

攘，或踰過垣牆，偷竊人馬牛，引誘人臣妾，此等其情

尤重。汝則有常刑，以加之。不敢輕宥也。甲戌之日，我

惟將率衆往征徐戎之罪。蓋徐戎尤近魯境，故先加之。

之兵軍行，則糧餉為急。爾等當儲峙乃糗糧，無敢欠

缺不逮，以誤軍機。如有不及，汝主餽之人，則有大刑

以處死罪。決不赦宥也。魯人汝三郊三遂之民，當儲

國外曰郊，郊外曰遂，東郊留守，故曰

三郊三遂 題旁

峙乃築牆，楨幹之類。於甲戌進兵之日，我惟將乘隙

修築城垣營壘，以防衝突之患。無敢怠惰不供，以誤

我事。如有不供，汝則有無餘刑，以加之。決不赦宥。但

非殺耳。魯人汝三郊三遂之民，又當儲峙乃餼養馬

牛之芻茭，無敢缺少不多，以致使馬牛饑困。如有不

多，汝則有大刑，以處死罪。決不赦宥也。

秦誓

史臣記：穆公悔己伐鄭之失，乃集群臣而告之，曰：嗟

書經補解 卷八 秦誓 四

爾我士都聽我之言語無得喧譁予今誓告於汝以
羣言中之首者非迂遠之說也古人有言曰凡民之
情重於責人輕於責己訖皆自若是多盤於徇己雖
有過差不肯受人之非責殊不知責人斯無難惟我
有過差能受人之責俾如水之流聞而即改無一毫
凝滯是惟艱哉我今乃知前日拒諫之非欲改其過
心之憂悔惟恐日月逾邁年齒已衰餘日若弗復云
來不敢自安也惟古之謀人年老者則我非不知其

老成諳練但以其每事堅執曰未遷就予意遂忌疾
疏遠之而不用其謀惟今之謀人年少者非不知其
新進粗脫但以其每事順從能與我意相合姑將以
為親昵而信用其計以至於敗謀而失事然既往之
過雖則已云然而將來之善尚可改圖自今以後凡
國有大事當猷詢茲老成黃髮之人與之商量可否
則庶幾他日所行之事亦可以罔所愆矣豈敢自諱
其過而不復為自新之計哉如番番然衰老之良士

書經通解 卷八 秦誓 四二 戒章館

書經

齊高 過

風音

雖昔日旅力今既愆去而老成練達計慮深長可與

謀國者我尚得而有之以任用焉若佗佗然武勇之

夫雖善於射御不有違失而智慮疎淺多足以敗事

我尚不欲用之勇夫且不可用況惟截截然善為調

言之小人顛倒是非能俛君子變易其辭說雖有直

言正論為之搖奪最能敗壞國家我何皇多有之而

任用焉哉嘗味味然我靜思之夫用人之得失繫國

家之安危不可不謹也假如有獨一介之臣誠一說語辭斷斷

實專一無他技能但其心和平度量廣大休休焉其

如心器之能有容受不可得而測度見人之有技能

其心真愛之若己自有之見人之彥聖則其心美通明好

之不啻如自其口中出而稱揚之是實能容受之非

有勉強矯飾之意斯臣也我信任之可以保安我子

孫而黎民亦職有利益哉此其所以欲用老成之士

也若見人之有技能乃冒妬疾害以惡之不肖稱揚

見人之彥聖而百方阻違之俾不得通達是實不能

書經通解 卷八 秦誓 四三 戒章館弄

書經指解 卷八

風雨館

容受之。有驕吝褊狹之心。我若誤用之。以不能保安。我子孫。而黎民亦曰。岌岌乎危殆哉。故我於截截巧言之人。不違用之也。凡邦家之杌隉。不在乎他。曰由於一小人。遂貽無窮之禍。邦家之榮懷。亦不在乎他。尚由於一善人之慶。以延乎無替矣。夫一人善惡。足以係一國之安危。如此。然則番番良士。其可以不用。而截截小人。可以不去哉。

書經插解卷八終

今利重信

五島

宮崎天壽 校

平田脩齡

江都 渡邊 鞞 書

書經指解 卷八

四四 戊章官校


五福一壽
 平田創編
 宮田天齋
 今川重司

跋
 余於經皆有欄外書。稍與注
 說差。蓋訂誤。匡繆。一歸公平。
 然其課生徒。不欲濫示之。非
 秘也。恐其生疑本注也。故必
 先使之講明。注意。注意分曉。
 然後出此眎之。則始知其所


取舍也。尚書亦有是編。而生徒不許盡讀。婿興初其讀尚書。使之一依注說。興時解其意。一插入數字以疏之。每一篇成質之。余乃刪定。一書既完。可謂篤志矣。爾後諸生往往傳聞。請借覽之。則艱澀

古言。化為平易。果甚便也。頃者誠齋五島使君。將棨之以嘉惠士林。興來請可否。余亦獎而可之。然要惟讀經之津筏也。未得謂之登岸。知化乙巳冬仲月上澣

一齋老人坦跋



關研書



Vertical columns of faint handwritten text, likely bleed-through from the reverse side of the page.

河田八之助著

弘化三年丙午三月

京都寺町通松原下

勝村 治右衛門

大坂心齋橋筋安堂寺町

秋田屋 太右衛門

江戸日本橋南壹丁目

須原屋 茂兵衛

同 通新石町

須原屋 源 助

同 淺草茅町二丁目

須原屋 伊 八

發行書賈

